

وتنسيقاتی اولاديفندن، بورالرده، بوسنه - هرست تشکيلاتی مودل اتخاذا  
ايدهرک، تنظيمات وتنسيقاتک يايلمهسی ايجاب ايدر. کرک بوسنه - هرستده  
توسيع واصلاح ايديله جک وکرکسه قوصوه ومناسترحواليسنده احياء ايديله جک  
اولان تنسيقات وتشکيلات بری ديکريله متوازيآ ويکديکرينه تسانداً اجرا  
ايديله ليدر.

تورک مسلمانلرک، اسلاو مسلمانلرله وقراللمزده کی ديکرجاعات ايله  
تأسيس وتأييد مناسبات ايله لری ايجون، صرب لساني، اسلاو مسلمانلرک،  
ديکرجهان اسلاميته تأمين ارتباطلری ايجون، تورک لساني اوکرمنه لری  
لازمدر. بو، ايکی مختلف جاذبه مليه تابع، مسلمان جماعتلرينک آرالرنده  
ذاتاً قوی اولان رابطه اخوتک ترصينه زمين مساعد تأسيس ايتمه ليدر.

تقسيم اعمال وتوسيع ماذونيت اصوللری اصابت حرکات وموقفيتک  
قوی مؤمنلرندن اوللريله، ساحه فعاليت، بری يکی بازار قصبه سندن شمالي  
ومرکزی سرای بوسنه، ديکری جنوبی ومرکزی اسکوب اولوق اوزره  
ايکی منطقه يه تقسيم ايدوب، بر حصه سی دينی، معارف ووقفي مأموريندن،  
ايکی حصه سی اهالیدن منتخب منطقه مجالس مؤسساني - که وقت تاخير  
ايتمکسزين اجتماعلری لازمدر. - کندی منطقه لری داخلنده دستور حرکت  
ومرعی الاجرا برر « نظامنامه اساسی » تنظيم ايتمليدر. وبو منطقه نظامنامه  
اساسيلری بر مشترک نظامنامه اساسيه زمين تأسيس ايتمه ليدر.

نظامنامه لری تنظيميله موظف اولاجق اولان بوجلسلر، مذاهب نظارتک  
نشر واصدار ايتديکی آلی سؤالده درميان ايدیلان وسائر، خصوصات  
اساسيه يی موضوع بحث ايدوب ومثلاً، بروجه آتی اتخاذا قرار ايله مليدر:  
برچوق عبادات ومعاملات دينيه ده اذن خليفه لازم وشرطدر. بزم  
قراللقده دينی، ووقفي، معارف ومحاكم شرعيه خصوصاتنده سر مرجع وقراللمزده کی  
مسلمانلر ايله مقام عليای خلافت ومشیخت آره سنده بر مرحله توسط اولوق  
اوزره جاقب عظمای خلافت ومشیختدن منسوب وحکومت قراليه مزجه مقبول  
ومصدق بر « رئيس العلما » بولونه جقدر.

تقرر ايدهرک بر اصول واتخابنامه يه توفيقاً، شمالي وجنوبی منطقه لرده  
اوچر منطقه باش مفتیسی نامزدی اتخاب وليسته لری ورئيس العلما يه تقديم  
اولتور. رئيس العلما بولردن بررکيشی يی منطقه باش مفتيلکسه تعيين ايلر.  
مشيخت وحکومت قراليه مز بوللری منشور واراده اصداريله تصديق ايلرلر.  
رئيس العلما اسکوبده ويا ( سرای بوسنه ) ده، باش مفتيلر منطقه لری  
مرکزنده اسکوب وسرای بوسنه ده موقع نشن اوله جقدردر.

باش مفتيلر، رئيس العلما تک مستشار ومعاونلری ومنطقه لری داخلنده  
دين ووقفي، معارف ومحاكم تشکيلات وامورينک رئيسلريد.

محاكم، مسلمانلرک نکاح طلاق، وراثت وسائر مناسبات عائلويه لری  
وعلى الصوم حکم شرعینک ايجاب ايتديکی مسائلی، فصل ورؤيتله موظف،  
بدايت، استئناف وتيميز مراتبی صاحب، دولت قوه عدليه سندن محدود، ديکرج  
حشوف ولوکان عدليه تک مالک اولدینی صلاحيت ومساعدی حائز ومستقل  
اولاجقدر.

باش مفتيلر ميبنده، بری اوقاف وديکری معارف امور وخصوصياتی  
تدوير ايله مکلف وشعبه مأموريتلرنده کی معاملات ووظائفدن باشليجه مسئول  
برر « مدير » وهرايکی مديريتک، احتياجات امورک اقتضا ايتدینی وايدهرک  
وجهه، تشکيلات ومأمورینی، وظيفه وصلاحتلرينک شکل ودرجه سنی ميبين  
نظامنامه لری بولونا جقدر.

مسلمانلرک مکاتب - معارف واوقاف اموری کندی يدلرنده مستقلا  
مکاتب، ابتدائی وتالی درجه لری، وحدت ويکنسقی تدریساتی حائز  
اولوب، مسلمانلرک متمکن اولدقلری کويلره وارنجه يه قدر هر طرفه متشعب،  
زمان، صوک اصول واحتياجات، ومنطقه لرک حائز اولدقلری خصوصيته  
توفيقاً تنسيق ايديله جقدر.

مسلمان چوچقلری يالکيز بومکتبره دوام ايله مکلف اولاجقدردر.  
شمالي منطقه ده ( بوسنه )، مکاتب تاليه ده اسلام لسانلرندن تورکجه  
وعربجه تک، اجنبی لسانلرندن فرانسزجه ويا آلمانجه تک، جنوبی منطقه ده